

Si podit fai letzioni in sardu me in iscola?



S.M.

Eya! Su maistu o su professori podint fai letzioni de calisiat matèria in sardu. O podint fai prozetus po insenniai su sardu a is pitzocheddus.


Si podit fai letzioni in sardu me in iscola?

Eya si podit! Po s'articulu n°4 de sa lezi 482/99 s u maistu de iscola o su professori podint fai letzioni de calisiat matèria chistionendi in sardu, chi podit èssiri aitzì manizau po comunicai, educai e insenniai. Podint fai puru prozetus, aintru de s'oràriu de iscola, po insenniai a fueddai e iscriri sa limba sarda a is pitzocheddus cun su permissu de is mammas e is babbus insoru. S'articulu n°6 de custa lezi narat chi fintzas me in s'Universidadi si podint fai cursus de limba e cultura de is limbas de minoria in is logus in ui custas si fueddat. Fintzas su titulu IV de sa lezi 26/97 allegat de prozetus in s'iscola e in s'Universidadi chi pertocant sa limba sarda.

≈ ≈ ≈ ≈

Is impiegaus de su Comunu podint fueddai in sardu?

Tzertu chi fait! Po s'articulu n° 7 de sa lezi 482/99 podint fueddai in sardu non seti is impiegaus ma puru is amministradoris. S'articulu n°8 narat ca podint fintzas iscriri atus in sardu acanta de cussus ufizialis in italianu, ma is efetus zuridicus ddu ant a tenni feti cussus iscritus in italianu poita s'italianu est sa limba ufiziali de s'Istadu. Si podit fueddai e iscriri in sardu fintzas in is atòbius de is Cussizus Comunalis e in totu is atividadis de is ufizius, bastit chi, acanta de is atus iscritus in sardu, benzant fatus puru cussus in italianu e chi, si calincunu no cumprendit su sardu, siat garantida una furriadura, totu in unu, in italianu.




S.M.

Is impiegaus de su Comunu podint fueddai in sardu?

Eya! Zai fait! Podint fueddai in sardu sia is impiegaus ca is amministradoris e fintzas iscriri atus in sardu acanta de cussus ufizialis in italianu.

≈ ≈ ≈ ≈

Ita fait s'operatori de Isportellu linguisticu de su Comunu?



S.M.

Fùrriat in sardu documentus de su Comunu, zait consulèntzias in pitzus de sa limba sarda, fait prozetus po ammanniai su manizu de su sardu in sa comunidadi...

Ita fait s'operatori de s'Isportellu Linguisticu de su Comunu?

S'operatori de s'isportellu linguisticu de su Comunu est prevediu de sa lezi, ddu narat s'articulu n°9 de sa lezi 482/99, su decretu atuativu 345/01 a s'articulu n°6 e sa lezi regionali 26/97 a s'articulu n° 23. Is fainas cosa sua pertocant sa valorizatzioni de su sardu in is amministratzioni pùblicas. S'operatori podit furriai in sardu documentus de su Comunu, zai consulèntzias asusu de sa limba e sa cultura sarda, fai prozetus po ammanniai su manizu de su sardu in sa comunidadi, fueddat in sardu cun sa zenti, fait s'intèrpreti in casu de abbisonzu, fait de intermediàriu cun s'ufitziu de sa limba sarda de sa provintzia, e unu atru muntoni de cosas ancora.

